



Dato: 22. juni 2023  
Kontor: Nordatlantkontoret  
Sagsbeh: Astrid Boesen  
Sagsnr.: 2019-490-0176  
Dok.: 2601112

## **Eqikkaaneq**

### **Nunat assigiinngitsut akornanni timmisartuni atortussiatigut isumannaatsuunissamik pisinnaatitaaffeqarnermut peqqussummut missingiuut**

Naalakkersusiullu kissaatigisimavaat, nunarsuaq tamakkerlugu timmisartunut atortussianut atatillugu isumannaallisaanermut piginnaatitsissutit Kalaallit Nunaannut atuutilersinneqarnissaat angujumallugu UNIDROIT-imik taallugu inatsit nr. 573, 4. maj 2015-imeersoq aqqutigalugu isumaqatigiissutaasup 16. november 2001-imeersup (kingorna taaneqartalersussa Cape Town-imi isumaqatigiissutip) nunarsuarlu tamakkerlugu atorneqartup isumannaallisaanermut atortussianut angallattakkanut atatillugu piginnaatitsissutip Kalaallit Nunaannit ilannguffigineqarnissaa ilanngullugu immikkut timmisartunut atortussianut tunngatillugu (kingorna taaneqartartusap timmisartunut atortussianik allattuiffik) allattuiffik ullumit qulaani taaneqartumeersoq.

Cape Townimi isumaqatigiissummi isumaqatigiissummullu ilassummi anguniakkat pingaarnesarivaat nunarsuarmi tamarmiusumi assigiiaartunik inatsitigut tunngavissaqalersitsinissaq siunertaralugu timmisartunut atortussianik (soorlu timmisartut timitaannik, timmisartut motooriinik helikopterinillu imaqarsinnaassutsimikkut minnerpaaffissalikkanut) pisinerni aningasaliinernilu aningaasaliisuusut isumaqatigiissutip isumannaallisaavigineqarnissaat, akiitsulinnit (soorlu timmisartuussisartunit) akisussaaffigisanik paaqqinninnerluttoqartillugu.

Isumaqatigiissut isumaqatigiissummullu ilassut pilersitsivoq taaneqartumik ”nunarsuarmi isumannaallisaataasumik piginnaatitaalerneq”, isumaqatigiissuteqarneqarneq naapertorlugu nalunaarsuineri allanneqarsinnaasumik, taamallu anguneqarsinnaalerluni ersersinneqarluni pineqartut pingaaruteqassutsimikkut erseqqilluinnartumik salliutinneqartussaasut. Taamallu

Slotsholmsgade 10  
1216 København K.

T +45 7226 8400  
F +45 3393 3510

www.justitsministeriet.dk  
jm@jm.dk

inissiisoqarneratigut aningaasaliisoq pingajuusup tungaanut illersugaalerluni, tassa akiitsoqarfigineqarsinnaasunut allanut imal. timmisartunut atortussianik unammillertutut tuniniaallutik isumaqatigiissuteqarsinnaasunut.

Aningaasaliisartut taamaallat nunami piginnaatsissutinik tunngaveqartumik isumannaallisaavigineqarsinnaappata, taava aningaasaliisartunut allanut atatillugu isumannaallisaasiunneqartut qanorlu taamaattut pingaarnersiuilluni tullerriaarinissami inissinneqarneri akunnattuunganartitsilersinnaapput, isumannaallisaasiunneqartut nunat allat nalunaarsuutigisaanni aamma nalunaarsorneqalissappata. Taamatullu akunnattuungassuteqalersinnaaneq naammaginatartumik aningaasaliisussarsiorsinnaanernut ajornartorsiortitsilersinnaavoq, soorlu silaannakkut angallassissutinik nutaanik pisiniarniernut atatillugu.

Danmark isumaqatigiissummut Cape Town-mut aamma isumaqatigiissummut ilassummut ilaalerpoq ukioq 2016. Maannalu tassani naalagaaffiit 85-it peqataapput, tassunga ilaallutik USA, Canada, Norge aamma Sverige.

Isumaqatigiissut isumaqatigiissummullu ilassut pilersinneqarpoq Nunat assigiinngitsut akornanni timmisartuni atortussiatigut isumannaatsuunissamik pisinnaatitaaffeqarnermut inatsit napertorlugu, taassuma aalajangersarparaa isumaqatigiissut isumaqatigiissummullu inatsip Danmarkimi atuutsinneqarnissaa. Tassanili pineqanngillat aalajangersakkat ”nammineq qinigassat” isumaqatigiissummi isumaqatigiissummullu ilassummi, nunap sorliup eqqartuussiviisa isumaqatigiissummi nunat assigiinngitsut isumannaatsuunissamik pisinnaatitaaffiini isumaqatigiinngittoqartillugu (tassa illersuisinnaaneq), aammalu nunat sorliit inatsisaat atuutsinneqassanersoq taamatut isumaqatigiinngittoqartillugu. Tamatumunnga pissutaavoq Danmark EU-mi inatsisit ataani inissisimammat (Bruxelles I-imik taallugu peqqussusiami) aamma Rom-imi isumaqatigiissummi ilaammat, taakkulu apeqqutinut malittarisassiuussisunut ilaallutik.

Inatsisip Kalaallit Nunaannut atuutsinneqalernissaa peqqussutip siunertaraa taamaalillunilu Kalaallit Nunaata Cape Town-imi isumaqatigiissummut aamma timmisartut atortui pillugit isumaqatigiissutip ilassutaanut ilaalernissaanut inatsisitigut tunngavissaq peqqussutikkut pissarsiarineqassaaq. Akiligassaqarfiit/aningaasaliisut assersuutigalugu timmisartunut imaluunniit qulimiguulinnut (imaqarsinnaassutsimikkut minnerpaaffissalikkanut) timmisartunut atortuni qularnaveeqqutinik inatsisit malillugit pisinnaatitaaffeqartut Kalaallit Nunaanni angerlarsimaffillit pisinnaatitaaffeqarnertik nunat tamat akornanni isumannaallisaanermi pisinnaatitaaffittut nunat tamat akornanni nalunaarsuiffimmi nalunaarsorsinnaalissagaat, peqqussutip taamaalilluni kingunerissavaa. Matumuuna isumannaallisaanermi pisinnaatitaaffinnut

kingusinnerusukkut nalunaarsorneqarsimasunut aamma pisinnaatitaaffinnut suugaluartunut nalunaarsuiffimmi nalunaarsorneqarsimannngitsunut naleqqiullugu pisinnaatitaaffiup salliutinneqarnissaa anguneqassaaq. Isumaqatigiissummut aamma isumaqatigiissutip ilassutaani malittarisassanut naapertuuttumik timmisartunut atortuni nunat tamat akornanni isumannaallisaanermi pisinnaatitaaffik Kalaallit Nunaanni akuerineqarsinnaalersussaassaaq aamma naammassineqarsinnaalersussaassallunilu.

Isumaqatigiissut isumaqatigiissumnullu ilassut Danmarkimisulli Kalaallit Nunaanni atuutissaaq. Danmarkimi atuutsinneqarneranut allaanerusumik, nunap sorliup eqqartuussivii eqqortumik eqqartuussivittut Kalaallit Nunaanni atuutissanersut pillugit isumaqatigiissummut ilassummi nammineq qinersisinnaaneq pillugu aalajangersagaq peqqussutikkut aallarnerniarneqarpoq, tassami apeqqummut malittarisassiuussisunik Kalaallit Nunaanni malittarisassanik eqqussisoqarsimannngimmat. Inatsisunik toqqaanissaaq pillugu malittarisassat Danmarkimisulli peerneqarsinnaapput, tassami Kalaallit Nunaat aamma Rom-imi isumaqatigiissummi malittarisassanut ilaatinneqarmat.

Peqqussut Inatsisartuni akuersissutigineqassappat aamma tamatuma kingorna Kalaallit Nunaannut atuutilersinneqarpat, Cape Town-imi isumaqatigiissummut aamma timmisartunut atortut pillugit isumaqatigiissutip ilassutaanut Kalaallit Nunaata ilanngunneqarnissaanut Danmark alloriarnernik pisariaqartinneqartunik suliaqassaaq.

Timmisartunik aningaasalersuineq amerlanertigut assigiinngitsunik ilusilinnik akiligassanik tuniniaanikkut pisarpoq, soorlu aamma timmisartup Cape Town-imi isumaqatigiissummik timmisartullu atortui pillugit isumaqatigiissutip ilassutaanut naalagaaffimmi akuersissuteqarsimasumi nalunaarsorneqarsimanissaa pillugu aningaaseriviit il.il. taaneqartorpiaat pissutigalugit annertunerujartortumik piumasaqaateqartalersut. Taamaammat Kalaallit Nunaat isumaqatigiissummut isumaqatigiissutillu ilaassutaanut ilaatinneqalerpat, tamanna pissutigalugu Kalaallit Nunaanni timmisartormik suliaqarfimmi naleqquttunik piumasaqaatitalerlugit timmisartunik nutaanik pissarsiniarnermut pingaaruteqarsinnaanera naatsorsuutigineqarpoq.